



Na osnovu člana 20. Odluke o osnivanju JU "Fond Memorijala Kantona Sarajevo" („*Službene novine Kantona Sarajevo*“, br. 28/18 i 11/19) i člana 16. i 65 stav (1) Pravila JU "Fond Memorijala Kantona Sarajevo" („*Službene novine Kantona Sarajevo*“, broj: 26/19), a u skladu sa čl. 3. stav (1). 6. i 7. Uredbe za postupak prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuje sa više od 50 % ukupnog kapitala („*Službene novine Kantona Sarajevo*“, broj: 9/19 i 21/19) i Odlukom o objavljivanju javnog oglasa, broj:13-14-02-122/19 od 10.09.2019.godine, direktor objavljuje:

JAVNI OGLAS **za prijem u radni odnos na određeno vrijeme**

Osnovni podaci o pravnom licu koje objavljuje javni oglas:

Naziv: Javna Ustanova „Fond Memorijala Kantona Sarajevo“;

Sjedište: Širokac broj 22, Kovači, Sarajevo

Internet adresa: www.memorijali.ba

E-mail: fondkantona@bih.net.ba

Telefon kontakt osobe za dodatna obavještenja: 033/252-210 i 252 -215

Objavljuje se javni oglas za prijem u radni odnos na određeno vrijeme, na period do 1 /jedne/ godine, na radno mjesto:

- 1) Referent za obavljanje poslova fizičke zaštite (1 izvršilac)

Opis poslova za predmetno radno mjesto

- a) svakodnevno obavlja poslove obezbjeđenja objekata, prostora i imovine koja pripada Fondu Memorijala, primjenjujući zakonom dopuštene mjere i radnje;
- b) vrši kontrolu ulaska u objekte i prostor koji štiti, kao i unošenje i iznošenje inventara i drugog materijala iz istih;
- c) prati stanje u objektima i prostoru koji štiti, po potrebi sprječava ulazak i izlazak osoba koje su počinile krivično djelo otuđenja ili oštećenja imovine, ili dovela u opasnost ljude i imovinu koju štiti;
- d) prima i daje obavještenja strankama koje su u domenu njegove ovlasti;
- e) sva bitna zapažanja koja primjeti u vrijeme obavljanja službe, evidentira u knjigu zapažanja;
- f) svakodnevno vodi knjigu zapažanja u koju uredno unosi bilješke o uočenim promjenama u toku rada i o tome obavještava rukovodioca službe - odgovornu osobu ili vodećeg zaštitara;
- g) u slučaju potrebe za primjenu određene intervencije kao što su upotreba fizičke sile, upotreba oružja, kao i zadržavanja osoba koje su načinile povredu imovine koja zahtjeva takvu intervenciju, o tome u najkraćem roku obavještava rukovodioca službe, direktora i najbližu jedinicu intervencije MUP-a;
- h) u okviru zakonskih ovlaštenja i primjenom adekvatnih zakonskih mjera otkriva i sprječava pojave koje mogu ugroziti objekte, prostor i imovinu Fonda Memorijala kao i lica koja štite;
- i) poslove i zadatke obavlja pridržavajući se uputstava preciziranih unormativnim aktima Fonda Memorijala;

- j) odgovoran je za čuvanje i korištenje podataka vezanih za poslove koje obavlja;
- k) izvršava i druge poslove i zadatke prema uputi i nalogu direktora ili rukovodećeg zaposlenika.

Opći uslovi su:

- da je državljanin Bosne i Hercegovine (dokaz: uvjerenje o državljanstvu)
- da je stariji od 18 godina (dokaz: rodni list)
- da ima vrstu i stepen školske spreme potrebnu za obavljanje poslova radnog mjesta (dokaz: *diploma o završenoj školi*)
- da je zdravstveno sposobno za obavljanje poslova predviđenog radnog mjesta (dokaz: ljekarsko uvjerenje nadležne zdravstvene ustanove)
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 /tri/ godine prije dana objavljivanja upražnjene pozicije (dokaz: izjava ovjerena i potpisana od strane nadležnog općinskog organa)
- da se na tog kandidata ne odnosi član IX 1.Ustava Bosne i Hercegovine (dokaz: izjava potpisana i ovjerena od strane nadležnog općinskog organa)

Pored dokaza o ispunjavanju općih uslova predviđenih zakonom, kandidati koji se prijavljuju na javni oglas moraju ispunjavati i sljedeće posebne uslove:

- SSS (III ili IV stepen)
- najmanje 6 /šest/ mjeseci radnog staža posle završene srednje stručne spreme
- posjedovanje certifikata za poslove fizičke zaštite
- posebna fizička i zdravstvena sposobnost (dokaz: ljekarsko uvjerenje nadležne zdravstvene ustanove)

Mjesto obavljanja rada: Javna Ustanova „Fond Memorijala Kantona Sarajevo“, ul.Širokac br.22, Kovači (ili u Sarajevu, u objektima koji su povjereni ovom organu na upravljanje, korištenje, zaštitu i održavanje.)

Radno vrijeme: Sedmično radno vrijeme u trajanju od 40 (četrdeset sati) i raspoređeno je po osam sati na pet radnih dana, od ponedjeljka do petka. Međutim, u Sektoru za zaštitu grobalja i počasne poslove, zbog specifične prirode posla, poslovi se obavljaju neprekidno 24 /dvadesetčetiri/ sata.

U skladu sa naprijed navedenim, u slučaju potrebe, biti raspoređeno u turnusu i/ili smjenama kada priroda posla to zahtjeva.

Iznos osnovne plaće 819,00KM

Pored navedenih uslova, kandidati koji ostvaruju prioritet u zapošljavanju u skladu sa članom 23. Zakona o dopunskim pravima boraca-branitelja BiH („Službene novine Kantona Sarajevo“, br. 45/12, 23/14 , 46/17 i 18/19) dužni su dostaviti uvjerenja nadležnih općinskih službi (ne starija od 6 mjeseci) kojima dokazuje status reguliran naprijed navedenim zakonom.

Dokumenti koji se dostavljaju naknadno:

Odabrani kandidat je dužan dostaviti uvjerenje o nevođenju krivičnog postupka / dokaz: uvjerenje od nadležnog općinskog suda/ kao i uvjerenje da nije osuđivan za krivično djelo za koje je izrečena zatvorska kazna, osim krivičnih djela protiv sigurnosti javnog prometa, odnosno da nije proglašeno odgovornim za prekršaj protiv javnog reda i mira sa obilježjem naselja / dokaz: uvjerenje od nadležnog MUP-a/ i to najkasnije do momenta stupanja na rad, u suprotnom skida se sa liste uspješnih kandidata.

Dokumenti kojima se dokazuje ispunjavanje općih i posebnih uvjeta ne mogu biti stariji od 6 /šest/ mjeseci.

Kandidati su dužni uz uredno potpisanu prijavu, koja sadrži kraću biografiju, adresu i kontakt telefon, te naznaku radnog mjesta za koje se prijavljuju, priložiti originalne dokumente ili ovjerene kopije dokumenata koji su dokaz o ispunjavanju općih i posebnih uslova traženih javnim oglasom.

Javni oglas za dostavljanje prijava sa dokazima o ispunjavanju traženih uslova, ostaje otvoren 10 /deset/ dana od dana objave u dnevnim novinama: „Oslobodenje“ .

Javni oglas će biti objavljen u dnevnim novinama: „Oslobodenje“ , na web stranici ovog organa, te na internet stranici Javne ustanove „Služba za zapošljavanje Kantona Sarajevo“.

Napomena: Prioritet u zapošljavanju imaju lica utvrđena u članu 23. Zakona o dopunskim pravima boraca-branitelja BiH („Službene novine Kantona Sarajevo“, br.45/12, 23/14, 46/17 i 18/19).

Zatvorene koverta lično ili putem pošte /preporučeno/ dostaviti na donju adresu sa naznakom: „NE OTVARAJ - PRIJAVA NA JAVNI OGLAS ZA POPUNU UPRAŽNJENOG RADNOG MJESTA (SA NAZNAKOM RADNOG MJESTA ZA KOJE SE PRIJAVA PODNOSI)“.

Javna Ustanova „Fond Memorijala Kantona Sarajevo“

Širokac br. 22

Sarajevo

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“, br.49/06,76/11 i 89/11).

Broj: 13-14-02-122/19
Sarajevo, 14.10.2019 .godina

DIREKTOR
Suad Zijadić, prof.